

Broj: 01/01-381/12-2023

Sarajevo, 10.05.2023. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14 i 59/22), na preporuku Komisije za provođenje postupka nabavke broj: 01/01-381/11-2023 od 03.05.2023. godine za nabavku: *Usluge organizacije terenske nastave*, Dekan Univerziteta u Sarajevu-Prirodno-matematičkog fakulteta donio je

ODLUKU
o poništenju postupka javne nabavke

Član 1.

Poništava se postupak javne nabavke: *Usluge organizacije terenske nastave* za potrebe Univerziteta u Sarajevu-Prirodno-matematički fakultet iz razloga što *nijedna od primljenih ponuda nije prihvatljiva.*

Član 2.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke: *Usluge organizacije terenske nastave* broj: 01/01-381/5-2023 od 17.03.2023. godine.

Obavještenje o nabavci broj: 29340-1-2-15-3-33/23 od 23.03.2023. godine objavljeno je na Portalu javnih nabavki i u Službenom glasniku BiH broj: 22/23.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 13.04.2023. godine, tendersku dokumentaciju preuzeli slijedeći potencijalni ponuđači: EKAPIJA DOO, BBS EUROPE, HARE D.O.O. i VENTURA TRAVEL AGENCY D.O.O.

Iz *Izvještaja o pitanjima i odgovorima* u periodu koji je ostavljen za dostavljanje ponuda, vidljivo je da za navedeni predmet nabavke ponuđači nisu postavljali pitanja u vezi pojašnjenja tenderske dokumentacije.

Iz *Zapisnika o otvaranju ponuda* vidljivo je da je Komisija za javne nabavke dana 13.04.2023. godine sa početkom u 10:30 sati, po redoslijedu zaprimanja izvršila javno otvaranje blagovremeno prispjele ponude slijedećeg ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	Ventura travel agency d.o.o. Travnik	Da	01/01-381-1/8-2023	12.04.2023.g. u 11:30 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda prosljeđen je putem email-a ponuđaču koji je blagovremeno dostavio ponudu.

Komisija za provođenje postupka javne nabavke je na zatvorenom sastanku pristupila pregledu i ocjeni ponuda, kako bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za provođenje postupka nabavke je sačinila Zapisnik o otvaranju ponuda i sačinila sažetak primljene ponude kako slijedi:

Redni br.	Naziv i sjedište ponuđača	Ponuđeni popust	Ukupna cijena ponude
1.	Ventura travel agency d.o.o. Travnik <i>Donja čaršija 1a</i> Travnik	0,00 KM	Cijena ponude bez PDV-a 1.160,00 KM Popust=0,00 KM Ukupna cijena ponude sa uračunatim popustom bez PDV-a =1.160,00 KM PDV na cijenu ponude= 197,20 KM Ukupna cijena za ugovor 1.357,20 KM sa PDV-om

Nakon pregleda i ocjene ponude, Komisija za provođenje postupka nabavke utvrdila je da je ponuđač **Ventura travel agency d.o.o. Travnik** u svojoj ponudi dostavio kopiju potvrde Sparkasse Banke da ima otvoren transakcijski račun, međutim iz potvrde nije vidljivo da je riječ o glavnom računu niti da isti nije bio blokiran u posljednjih 12 mjeseci, što nije u skladu sa tenderskom dokumentacijom tačkom 7. u kojoj je navedeno da je ponuđač dužan dostaviti: *“Potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci računajući od datuma izdavanja potvrde. Datum izdavanja potvrde ne smije biti stariji od 3 (tri) mjeseca računajući od dana dostavljanja ponude. U slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju“*, te kao takva **ponuda se smatra neprihvatljivom.**

Komisija za za provođenje postupka nabavke predložila je Dekanu da na osnovu člana 69. stav (2). tačka d) Zakona o javnim nabavkama BiH donese Odluku o poništenju postupka javne nabavke: **Ustuge organizacije terenske nastave** iz razloga što **nijedna od primljenih ponuda nije prihvatljiva.**

Iz gore navedenih razloga, primjenom člana 69. stav (2) tačka d) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



Prilog:

- Zapisnik o pregledu i ocjeni ponuda

Dostaviti:

- Ponuđaču: Ventura travel agency d.o.o. Travnik
- Dosije nabavki
- a/a

Akt pripremila: Emina Hadžić, viši stručni saradnik za projekte i poslove javnih nabavki